



10930

朱密所先生密林漫稿卷之八

門人

金陵韓國藩

集發

宛陵湯

瑩

編次

友人

高安謝與棟

校閱

金谿周文明

選梓

伯孫朱恒敬

仲孫朱惺敬

季孫朱懔敬

全校

書部

甲寅夏繳 節乞休上葉相國

密林漫稿

卷之八

客夏仰荷鼎重得

封差歸里返初服雖伏暑跋涉數

千里以冬初入子舍病日增衰日甚而脫然倚爐撫孤

遂首丘戴德高厚百倍於一歲九遷矣杜門耳目如塗

惟詢知剪桐非戲根本既定覆甌有人進退綽綽忠良

已釋推用可待則諸當次第轉環者可知閣下回天力

偉山間病夫不覺推枕喜躍稽首祝 聖明萬壽縱

國是紛囂閣下之進退綽綽也不肖庸率病苦如例繳

節乞骸骨毫非矯飾倘藉得 旨成我台恩真同生我

啣結矢世世弗諛矣不敢作侑械以瀆清嚴報瓊無日

神王悚息

上葉相國

吾弼辱門墻道義教愛二十年矣懃率無當功微過大
和寡知希自忤衰庸癸丑歸卧業甘心首丘不但長安
書絕卽郡邑諸侯僅問則荅至負臯閣下幾類化外人
相度休休幸 聖明御極不遺簪履亦令逐隊然其寒
灰竭蹶趨 朝纔百日儼然稱中大夫蒙 覃恩及祖
父三世光榮秋毫拜賜也相違而南依依泣別繼請無
期真有令人闇然魂消者 主上英勵特加眷信明良
盛會天作之合閣下福壽無疆華夷臣民有同願萬分
珍攝以迓新祐坐奏蕩平殊勲所引領者若臨別云秋
密林漫稿 卷之八 二一

防後閣下方可言出 朝孫閣下方可言入 朝不過
相憫權詞安民安邊足兵足食未嘗求之不可謂下無
其人 有言銓部用人惟墻高禮卑者是先司馬部惟矜
誇夤緣者是急漫無責實不謂之求閣下重戒擅權而
票擬於銓樞槩無可否亦不謂之求銓樞不求閣下不
求求之責將誰屬耶無惑乎盜官盜餉倖變以催官餉
耗而兵逃 主上內帑之千萬饑寒窮民之脂膏祇以
飽貪欺文武官僚而於中外緩急毫無補最可痛哭
流涕長太息者 神宗知人善任獨任閣下至割愛而
從忠懇聽福王之國以安 國本延今太平 天子蒞

中國而撫四夷閣下之功已偉 光宗二十日聖政可
三百年三千年而 聖天子善繼善述喧傳內書有遼
陽何日復奴酋何日滅壁畫而秦王濫封內臣竊柄神
斷有赫講讀尋繹臨御克勤此漢唐宋英誼所稀遣將
順匡救在在胥闕有 君無臣之嘆識者所爲寒心而
表正百官啓沃 一人吾弼於閣下有厚望焉姑不能
一一泛舉如太僕卿兼御史屯田董君見龍兄忠 君
愛國實心任事目前不多屈指爲 朝廷任天下第一
最艱事不惜勞怨僉謂當畀以事權今聞監司郡縣視
爲贅疣多掣其肘愚意天津雖重鎮李懋明料理稍有
密林漫稿 卷之八 三二

成績清苦萬狀當內轉部堂或外督撫而以董見龍代
撫於監司郡縣得臂指之勢專理屯田兼備海防生聚
訓練寓兵於農近五年遠十年弼信見龍必不負 國
惟恐忌功者負見龍則聽見龍便宜請人加銜上下共
肩相與終始貽萬世之利杜三至之口在閣下鼎持成
一見龍而文武百官激勸基之矣恃愛忘其唐突布効
忠寸念爲 皇上堯舜之君皋夔稷契也臨穎無任皇
恐真懇之至

與葉相國

十年拜違入山惟恐不深卽敝郡邑諸侯僅問則荅絕
境外交除却明農課孫則偕二三老樵簷日林風下談
晴說雨數杯微醺樵歌互荅以永餘年一切恩怨置度
外遂于相公閣下非不感念高厚昕夕嚮王亦開臯莫
賁難于蘇張舌解者幸蒙 覃恩逐隊之起力疾爲先
人出數月病寒尸素可羞迺儼然稱卿而南叨 贈祖
異數心藏明德存歿當矢啣結直不肖唵噬之景無得
當時念之於邑環滁皆山無馬可數真稱吏隱循職掌
少檢積贖草場納價之議三年止同畫餅有不得不疏

密林漫稿

卷之八

四

請者又觸時報布其迂戇未必有當特以備休休芻蕘
之采佐 英主致治定亂幸於票擬留神實用人理財
自食足兵強以董見龍巡撫屯田別重任李懋明此着
似可無再計滿堂卿貳次第避席秋涼入墟便作歸計
此番合劍已類夢寐侍請無期萬分珍攝以慰離思副
聖天子眷任作中與名世是所引領只賢否是非毫無
假借群賢同心不照管情面可進可退當無入不得何
至愁戚遺和負此 明良盛際也久辱道義教愛忘其
唐突臨穎不任悚仄

與韓相國

不肯生平愚戇不諧于時已甘首丘仰辱鼎噓寒灰復
然衰朽辱庸爲先人 恩誥強出數月病痰咳尸素可
羞相公閣下教愛倦篤且若忘其醜也者遂拜罔卿而
南榮及祖父無所名高厚矣環滁皆山無馬可數真稱
吏隱循職掌少檢積贖草場納價之議三年止同畫餅
有不得不䟽請者又觸時報布其迂戇未必有當特以
備休休芻蕘之采佐 英主致治定亂幸於票擬留神實
用人理財自食足兵強以董見龍巡撫屯田別重任李
懋明此着似可無再計滿堂卿貳次第避席秋涼入墟

密林漫稿

卷之八

五

便作歸計侍請無期萬分珍攝慰 聖天子眷顧作中
興名世是所引領臨穎無任詹悚

癸丑二月初六日上政府副啓

主試特簡 上持乾斷舉朝懽呼稱 大聖人作用偶
會完虛翁掌科於斗溟王光祿宅方知固遜共商走而
勸駕恐羈大典所關匪細亦恐美不將頌凡所至救

天聽益高 主上將有辭於閣下矣畢竟應 命爲是

惟應 命謝 恩辭 朝便當以 封婚 出講擇日

急枚卜釋忠義爲 請至於竣事然後以諸凡不容不
請之勢請之不得閣下有不容不去之勢告 皇上未

必非積誠感動一大機也 皇上有不妨票擬之諭則
票擬三日一送貢院萬不可推托云內批可暫行此尤
朝綱喫緊者閣下愛 君愛 國當重於自愛鄭歸德
正來別語次已唯唯首肯切以票 旨不可入內爲慮
故敢布腹心

四月初七上疏送揭政府書

閣下遭時遇主竭忠畢智從事獨賢凡有識者非不諒
其苦心但時事日非而 福王不之國人人有根本慮
閣下以去爲快不急卜相人人又有邪正消長慮此不
肖喜入場之行可以將順爲匡救孚格地縱他需次第
密林漫稿 卷之八 六

啓沃嘆緊二着萬萬無遲於今不得 旨者不肖引領
何翅望歲方得 冊封差於翁青陽老先生旦暮冀出
國門乃謬叨推陞此閣下噓植所賜但以獻諛蒙羞之
人處悠悠不斷之 朝能無有覩面目乎 留中所幸
願者前言慙發愚衷弗寧復具小疏冒瀆 聖明陳揭
覽教不肖謬托諍友責難於閣下庶閣下可執以責難
於 皇上其知其罪聽之矣上爲 社稷計下爲名節
計閣下此時亟圖尚恐議者蜂起將無所解猶然泄泄
待決裂以去負 皇上負 太子能無虞身家乎負不
肖又其小者不肖定差禹州青老及儀制君皆有諾字

恃愛敢假鼎更從史之衰軀溽暑借差萬非得已恐青
老別爲有力者食言今不肖亦將久棲蕭寺爲鮑祠部
之續閣下篤念舊誼當弗忍者敬布腹心以懇諸容負
荆鳴謝皇悚不備

送揭趙太宰謝辭推陞書

不肖愚戇無當遂來指摘貽羞門墻亦謂 福王不之
國根本可慮卜相未得人邪正消長可慮忠直所激厚
望相君以將順爲匡救孚格地不暇自計乃相君出場
久矣毫無孚格漫無匡救不肖初念頓拂皇恐無地台
臺不討勸駕之臯猶推拔之施者愛而忘醜當者弗勝

密林漫稿

卷之八

七

金錢之愧矣註籍決去恐 予告非必得之數業托知
交定禹州 冊封差俟 題下見 朝匍伏荆請鳴謝
寔以新陞不得 旨爲快至高厚心銘御結沒齒弗可
諉者時事多艱相君泄泄大負勸勉舊誼弗獲已昨具
一疏匡正之以終前局小揭呈覽教惴惴待臯 主上
恩威叵測萬不敢再煩啓事以累台臺知人之明伏惟
崇照兼引領提命之臨楮無任依悚

送揭周春臺選君謝辭推陞書

不肖愚戇無當甘心攢斥乃臺下以人倫領袖竟忘其
醜屢辱枉駕弗及倒履一以出餞遼撫一以坐飯遼道

隨具數行荆請鬮人峻拒之最後則賤足病膿血呻吟
牀褥間開臯宏多矣臺下不加討且推援之罔所名高
厚亦罔所名感激悚作者第樗櫟朽枝不堪支厦敗鼓
殘皮祇累藥籠今以獻諛蒙羞之人處悠悠不斷之
朝能無有覩面目乎業定禹州差俟 題下力疾見
朝行矣非分之轉惟不得 旨爲快幸勿再煩啓事致
妨賢路戴知己之德更萬倍尋常小疏揭奉覽遲當叩
首鳴謝不罄依耿

與周春臺少司空

生庸率無當獨蒙祖臺取其本色如伯樂相馬收之牝
密林漫稿

卷之八

八

牡驪黃外癸丑推撫中州以故同年謝鳳臯兄妄欲留
之僉堂復推理少時生迂愚急福邸就封安 國本從
史首揆入場以將順爲匡救地小疏尚可覆按爲異已
借端擠之決意避鋒隨具書辭謝不敢再煩啓事相累
借差以去出山念絕矣幸 英主御極不遺簪履亦得
竭蹶趨 朝諸賢群聚強半皓首故人恍隔世會今真
稱 明良盛際奈衰庸宜南閑局百日素餐席庇儼然
稱罔卿出春明且 恩及祖父叨三世光榮大溢分願
惟祖臺道義知愛把酒分袂不能不動離別之感黯然
魂消矣衰軀北來而病南馳而健或者官祿星落江南

北乎行行漸遠念之增悵容有別布

與鄒南皋丈

桐江之別誼足千古惜爲時無幾請益夙衷未罄億一日
日耿耿數舍天涯且奈之何政府得人 聖明似有
轉環機括恐台翁東山之樂未穩也幸萬分珍重以需
特簡近聞吾省開府爲蜀衛淇竹公不知曾相識否此
公清介有執簡易和平將爲十三郡福星者閭里之慶
第未知實否朝夕念曾見翁病體倏從館賓人得函報
乃徂暑已捐館舍天不憖遺人之云亡邦國殄瘁不但
一鄉失儀刑者况不肖久辱教愛中可勝痛哭流涕耶

密林漫稿

卷之八

九

亟切匍匐申奠唁疾軀艱出隨當遣方代致之因館賓
周明遠還便附數行明遠青年端方有志有養新入郡
庠進而提命汲引之他日無媿高門弟子者慟見翁之
去願言盡室依依如遡

又

桐江違教僅從孰賣周明遠上數行嗣是多憂多病雖
嚮王心神朝夕依依左右而問聞久闕請益末由亦已
驗迂拙已昔以賫捧之役冒暑入長安萬非獲已遂來
讒忌想邸報見彼此揭不能遁炯鑒賴一時當事正人
曲亮主持一辭朝便出國門飄飄不啻解綬之鳥矣庸

顛無當異業之軀不任馳逐決意首丘至叨破調之轉
夢想所弗及夫非平日鼎噓所賜耶 聖明特恩知已
殊遇有身可致安敢不感激思奮鞠躬盡瘁斃而後已
以圖報効經年藥爐覺有起色業定今春北征寧知詔
崇天慘福過灾生昨至月獨子痘亡盖有志聖賢天下
已任不肖弟可恃以息肩者故鰥居數載甚適也一旦
棄去內外無主孤寡啼號聞者傷心哀慟餘生濱歿者
不能以寸恐溢先朝露出處未明以繳憑致仕呈乞撫
臺王公祖代 題弗允止允收呈以憑咨部且遣勸行
之使責以大義無何改限十月之劄至矣切圖走水田
密林漫稿

卷之八

十

信宿飶領提命少寫積懷緣亡兒葬事濡滯日勞日憂
日病竟未能脫然出戶以力疾之身携一幼孤往非從
舟不可親知僉爲守凍長慮兼令優游消遣或稍寬哀
苦耳茲廿日發棹寡媳孀居撫小女遺腹之男一兄二
弟諸姪皆能一體休戚之孤寡骨肉遠離不能不費檢
點倍悲傷阻山陰之棹也得 旨聚首長安是望時論
尚沸國事多艱豈天未欲平治天下乎卧大賢于東山
而令不肖弟庸庸充位真劉蕡下第祇令得雋者耻願
奉指南以行心力可矢利鈍生歿非所敢計篤信好學
守成善道台翁誨人不倦必有以諄諄詔告之若獲大

書懸之署堂無異旦暮相待尤所引領著述佳刻幸全
賜之不腆侑楫恃愛輶褻冀在汪涵哭子哀衷臨穎如
塞

荅鄒南皋丈

尸素已久叨冒踰涯辜負 國恩自慚用世非具諸世
無術故辛亥喪子天人交厭之已決首丘誤爲劉幼安
兄強出見時事無急安 國本在 福即就封遂行意
招議旣得歸卧山中返其初服訪戴之行靡日不切奈
代老無兒孤寡莫依向來家事毫未經歷之人今米鹽
薪水罔不關念衰病苦支倚藥爐爲生明農課孫外百
密林漫稿

卷之八

十一

任之弛門設常棣卽里中親知罕接敝郡邑諸侯僅問
則荅不但絕境外交自絕於老翁兄也坦然僧至備詢
道體晬益郎君英特大懃積想展誦合編渾是老孔子
家法如云自身上做不去卽將古聖人書磨勘十分明
白又添百分障蔽之語破千古講學業障以弟之昏弱
不覺豁然醒霍然起矣敬什襲作傳家寶謝感不能口
出瘠邑滌滌山川老農老圃喜增一老人侶說晴說雨
簷日林風求入羲皇上境界無須錢買青山白鷺道鄉
覽勝請益之游曾與吳繼踈兄有約暮春阻雨當以秋
爽爲期其時薄收買山有備萬萬勿推出令進退維谷

成就五鄉童子潔已寸念可也坦然索報逼迫據案不
盡依依

與鄒南臯丈

桐江一別吉瑞懸彊昨磁州始獲待請迂踈負臯固以
二十年來外厄於異已內厄於家變父母憂後繼以妻
子又繼以二妾一孫一曾孫喪亾之哭且火其僅蔽風
雨小居今雖有三孤孫長二席庇列諸生幼遺腹者亦
出痘學破承杜門修省以天人文厭愧用世非具復耻
逢時甘心首丘惟經經堅晚節明農課孫善俗一鄉爲
已任期無負翁臺當年秋浦再勿轉頭提命耳從癸丑
密林漫稿

卷之八

十一

歸卧卽敝郡邑諸侯僅問則荅境外交絕矣 聖主當
陽亦得以簪履之遺不爲公論所棄飲流遡源或藉鼎
虛不少且儼然稱卿而南叨 恩祖父此人臣非常奇
遭 三朝高厚之感當子孫生歿銜結眼前涓埃莫効
大是皇恐昔蒙 神宗皇帝不殺之恩不次之擢昨謁
昭陵念及含悲正修實錄幸同志同道莫逆故交蔡中
山兄任纂修因南問職掌不可無申明一疏遂慨時別
有妄陳形之 奏請彰 皇祖至公至明可法可傳聖
德托中山兄檢宮府合奸擬逮訊 中旨及朱相國救
搢不肖三疏代進 主上御前似亦足爲法 祖一感

動助也跡嫌標榜以關係 皇祖垂世大作用不肖寧
冒嫌任知罪者亮乎亮乎五卿當次第避席便可作歸
計會郭振老京差回報據案手勒附小稿呈覽兼布嚮
王積耿不腆侑械真千里毫毛汪茹爲輝郎君太史公
同此附聲時伏月三日

與陳匡左丈

廣寧旣失山海可虞但關上有經撫同人料理薊鎮有
總督亦有巡撫大司馬正宜居中鎮靜奠安根本且申
飭天津防海通州獲京與昌平衛 陵寢爲急着倉皇
行邊何爲者無惑乎訛言繁興人心洶洶翁兄不可不

密林漫稿

卷之八

十三

早脂車竭忠謀以報 主上特簡推轂也左編自郟鑒
至虞允文浙刻止貳本今發至者廼弟昔送上武進舊
刻以棉厚於太史簾遂多至伍本錄者有難色仍完照
收郟虞二公似是今日對症國手大都兵務先膽畧識
力漢高以百敗帝項羽以百勝亡衆兵以大將之膽爲
膽不可輕出危難畏縮語令聽者搖惑只舉動須持重
耳赤石兄曾寄有書不得不荅之其他諸相知者問及
煩呼聲未便輕瀆亦恐不能遍來異同督也

與陳匡左丈

弟不知風鑑而相人以臆見似十不失一嘗對人云兄翁福壽上相可典一尚書曾亦面言之非諛也矧允文允武全材應奏虜功弟向所謂膽畧識力何所弗具而三軍以我爲膽之芻說更望百尺竿頭進步自勤勒旂常位極封拜者此時建酋敢於犯順貪狼淫暴非元世祖之寬仁有人君度值宋削弱借以滅金而機實可乘亦宋之失着偏信賊檜耳今之失着在一無信而衆爲政 主少國危外侵內亂必宮府一體臺省一心大司馬詢衆斷獨有定見定力報警輒行邊將調停經撫復密林漫稿

卷之八

十四

遼陽乎抑自固邊圉爲陵京計長策乎不然愚意居中調度內商之戎政京營巡城門禁當事諸文武必勤訓練利器械精火技清宿衛固城守防奸細皇城內市必罷游食異人必驅外之聲援京師雄據海道屬通州天津登萊三撫而衛獲 陵寢屬薊昌總督撫鎮令陵京無虞洋島有備然後以山海關內外專屬之熊王經撫勿輕聽卸担及諸道將皆取 嚴旨信賞必罰上與三軍以膽自人人渾身是膽戰勝不足守固有餘矣乃逆酋犯順聲罪致討一檄所以激發天下義勇久無而時最喫緊檄內先反已後責酋顯然以酋之逆天殃民

播告中外明示以能掃穴擒王者卽以其地王之或復一城一堡大者侯次者伯又次者遞世襲官之無論見任罷閑將士材官蠻夷君長草澤英雄綠林豪傑有功名心者便是 朝廷忠臣如論獎賞敢有持疑依違觀望者必置重辟振臂一呼人皆左袒天下事尚可爲也臨事之懼不可無畏難之懼不可有若兄之養之才之福平遼定遠安內攘外在此行也弟病弱必不能官送行必不容已恐榮發日勞冗先兩日於中途一談別如何

送陳匡左北上

密林漫稿

卷之八

十五

恭惟榮發數千里而遙以弟之病弱老鶩加鞭必不能前良晤未有期偶值遺腹幼孫佈痘無父之子惟祖是依竟阻郊別念之黯然接荅諭侃侃渾是膽畧識力作用壯哉此行當繼王陽明先生立功封拜者弟讀之爲社稷蒼生大慶不覺喜舞矣熊王二公敢於携手入逃只緣 朝廷上無法楊李實殺我飛將軍久當正刑依違不決人心不平誰復用命而吾鄉大賢忠謀長慮非不詳盡乃石東泉諫垣雖有品望致主張封倭辱國爲之辦寬似借往寬今與王少司農致票擬者徇私取內批老孔子誅少正卯何意作此嬾人態致遼去接踵未

已耶尚方之劍不先加此二公則將士決不奮軍政決
不修天下無可爲數語兄翁得之矣戎政尚書喫緊度
必蒙特簡李公祭日被辱之故或宜申說使 主上不
信中官我方得行其志以肅軍令此時言戰不如言守
無寧爲充國李牧先示以怯徐徐圖之吳繼踈兄亦十
八由浙舟行回字附覽訖仍擲下此兄可同心者弟觀
交游中真誠鮮與之比弟患疝疾已三年最苦奔走得
優游林泉爲幸向已面詳萬勿勞輦上諸君子費敲推
也

與陳匡左丈

密林漫稿

卷之八

十六

別來幾遂春夏而秋矣中外多故 兄翁秉樞必有主
持石畫蜀黔東省雖在在告變在在亦告捷 社稷之
靈 聖明之福群賢協力之功足示一班全 天下萬
無不可爲者喫緊君子同心祛邪崇正持公是非絕私
好惡事求可功求成時時着着實實做去酋終釜魚耳
於治平何有荒村借閱邸抄近數日方獲讀入 朝奏
議厲大志明大責定大計申大法四者真切要陳也傳
誦忻服道義悵念彼此久無問聞正覓便鴻居停馳報
直指巡郡熊承差來朝走馬長安道以弟偃蹇弗前固
羈病弱竟未奉部劄無據陳情今奉 旨半年餘於臣

子大分出處大義似兩有歎寢食靡寧特揮汗乞教於
高明更出此會吳繼老陳赤老二兄酌示或卽具疏或
不妨遲遲力疾竭蹙以趨快覩 聖顏忻承道誨得朝
夕海內諸君子數月遂風仰而後求改南可乎凡相知
敬信者不便有通否異同或齒牙及之寄聲爲望

與陳匡左丈

前月十八從熊承差附數行想不至浮沉也今弟以廿
九遣嫁小孫女次小孫亦將畢姻事弟叨起奉 旨已
越八月初意無改南意具一休疏即報無一允者恐跡
涉循套且賚奏有費莫支商之有識戚友莫若歲裏竭

密林漫稿

卷之八

十七

蹙趨 朝謝 恩赴任然後陳情乞歸弟十年理丞或
得援例爲二先人仰邀 綸寵少憫終天之恨旣得快

覩 英主聖顏於臣子分義將兩得之弟聽而躍然歲
裏力疾一行似不容已但仗鼎果幸改南常僕閑曹免
老人風霜跋涉寔真心大願也翁兄曾爲圖之否山海
內外有勝着邊腹撫按得人在在爲足食足兵弭盜安
民計信賞必罰功罪分明大家抖擻精神方太平可期
仍昔悠悠裁紙上桑作水牛角時事未可知也任大責
重無加中樞翁兄勞苦功高自垂勸竹帛萬分爲

國珎攝所朝夕引領

與曹真子大中丞

老年道義兄弟以東西南北之人久離偶聚如此時幸
聖天子御極勵精求治可稱 明良盛會晚近所希邁
者惟弟庸率無當尸素數月毫未有以報効且叨噓培
儼然以南冏卿邀 恩祖父行是不稼穡而拾禾不狩
獵而獲獸能無爲伐檀君子所耻乎 主恩罔極臣道

大虧漸入衰景未知沒齒有啣結得當日否翁臺世道
所倚喫緊用人憶明問總督難其代詳籌所知除李修
吾外則李懋明張逢玄趙明宇房素中史盤石馮禮亭
諸公才畧氣槩皆其選而懋明盤石尤似能人所難者

密林漫稿

卷之八

十八

舍親新昌原任南職方郎鄒維璉以內艱今將起復至
博學宏才清執忠讜留心經濟卽臺省向所薦爲九年
司理一塵不染人文武艱大投之無弗如意而外之監
司吳士奇葛寅亮吳中偉朱萬春陳宗愈特立獨行才
品超卓均一時豪傑曾相與知之最真非泛泛浪舉當
物色而顯庸之必大有可觀儕翁趙老先生昔以司理
給由見知今竊附法司末班且素所嚮王爲理學師表
願見請益乃及門闈人輒固拒至臨別一姓名帖不與
通或以疎畧開臯乎面間干乞呼致庶便省訟積虔另
布悃以異日

與蔡中山司業

別來時憶道義教愛遨遊豐樂醉翁間北睇燕雲神飛
天外恨無縮地術可遂侍請也纂修重任特屬高賢春
秋直筆必不以恩怨去取筆削者不知曾向敝同年林
兼翁取疏稿一詳之否此番入長安似緣奸黨勸駕汗
巖之加後進無知者且神宗皇祖不殺之恩不次之
擢卽如翁兄道義諸知已亦似無聞况此神宗實錄
中最仁最明一大作用安敢避標榜之嫌不明目張膽
奏明以便持公編檢采擇想中秘收藏無遺倘當日
奸璫擬發逮訊內批及朱相國救揭并弟小疏二本
密林漫稿

卷之八

十九

具載錄中寧直彰皇祖聖美垂範萬世亦足示後來
宮府小人炯戒令扶持善類者不可不法朱相國留恩
留名也乞垂神千萬一堂五卿當次第避席秋風一動
林趙二公將同軌而至弟作歸計快覩主上粹益英
敏迥非凡主光宗慶陵天造地設有四夷來王境象
吾輩臣子人人實敬其事翼成主上實學實政且閉
關卸使以養物力以固邦本使省直百姓樂生內安而
外攘無難也奢酉巢倒安酉必破膽奴酉亦必聞而奪
氣只山海倚樞輔孫老先生須待秋防後得人以代今
急易撫臣代其勞瘁選朝可計政府交致慰留之不

可已若朝鮮法雖當問惟責成毛文龍爲妥一得之愚
姑備芻蕘采耳二揭呈覽幸有卒教之據案率勒不宜
億一

與陳德遠丈

弟齒落毛白日就頽景乃孤寡莫倚米鹽薪水且湏經
心精力弗支一切交際自任置之矣幸曾孫能牽衣時
時呼太公亦足解頤雖天人共棄殊覺自適不爲作苦
凡遇拂抑訓勉小孫動忍俟命早發先萎少順老逆自
乘除常數近被益牛五頭反來任侄大肆誣辱而糧簿
貪狡可恨又抗玩市生不遂騙局亦相疑加誣辱想令
密林漫稿

卷之八

二十

親鄧淡老能道犯而不校惟閉閣思過耳豈愚直臨老
涉世弗諧抑涉世之果難乎自違教久啓迪無人每念
立命學問在妖壽不貳况小小毀譽也者曠職妨賢京
察宜無先弟者猶然倖免秋毫鼎重之賜而弟寔以掛
議削籍脫然世網令忌口忘情爲快太宰先生竟令占
缺滋議何也弟曾爲鄒屏南致數行未知浮沉否北窓
臥濃忽淡老顧舍云由磁而燕倚馬告別率爾據案不
盡依耿初夏又三日

又與陳德遠丈

客歲危疴兩番幾無生理曾具數行郎君輩或浮沉乎
久不奉教悵念可知弟不德天人共厭一知寒餒調侍
燕人倏焉病卒無居可統孤寡一切貧家勢不得不三
分之今長小孫依祖屋二幼孫依母弟亦子處自食蕭
然真似野僧百任之弛轉覺清適安其士之常矣僻谷
耳目如塞吳繼疎兄使至知榮轉兩廣近胡黃州還里
得仕籍則特簡少司空矣正人柄用大爲社稷蒼
生忻慶喜躍倍常間從陳霸州闕即報似言路紛沓猶
持水火英主幼年血氣未定楊李二掌科之聽其告
密林漫稿

卷之八

二十一

去得無中涓爲政乎閣部諸大老可坐視不防其漸乎
去留兩失朝政因之弟欲老太平世竊有迂慮計得
代便遊錦堂必夏秋交晤教尚遙兀坐書空據案姑申
賀候弟已備木築生瑩首丘有托敬聞以慰懸念舍親
鄒屏南一官仗鼎力再造尚未北征亦未面談安否幸
兄翁有以指示之庶不負破格恩庇也

荅陳子明丈

長君益童舅錦旋卽辱枉教奉台札遊刃快樂可彌吏
隱且遇賢王極加敬信而次君英偉皆晚年得意事乃
知早艷先萎厚蓄駿發造化不爽弟不以倖免京察爲

權而惟曠職妨賢爲兢兢恐天下無不賢不否之人

朝廷無不陟不黜之典倘可便弟望言之當事或移一
催咨於敝寺令弟移一休致揭於王斗老據揭回咨銓
部代覆准致仕不必着病痊起用半字部亦何嫌何忌
而難之也弟自甲寅夏上疏牛馬任呼絕長安書但不
結局似難脫然故向知己乞哀只求削籍耳留神留神
家難而天下易今始信之昨被盜辱於狂侄想亦有聞
惟寒舍有公論狂侄今悔罪遠避愚祖孫寧置之省居
之遷大屬過慮第長君洎公孫大捷期近姑借此作破
釜焚舟計未必非勝着也行者迫據案數行不宜心億
密林漫稿

卷之八

三二

一統惟知已照之恐邊鎮倚才榮轉可待良晤難期也

與陳子明

遼陽旣破山海必搖 陵寢可虞京師必震動矣凡爲
臣子誼不能寢食致身分事無奈衰病愚拙惟期早作
厲鬼以陰魄効結草縛賊獻俘爲快耳塗瘠老有 旨
否旣相信薦舉定難退遜喫緊在竟絕智絕力得備左
右者俱行多多益善縱智力足自信決難單騎赴也前
此安老山林特撐持宇宙有高賢在久付理亂不聞癸
丑入山便辭抄報者今間取閱于陳易老非踰旬踰月
不得已從新買報終難惜費時尚杳然幸詳示之以慰

杞憂懸切恭諭長公孫新元泮遊此步武青雲將拾殿
撰光顯兆也天中節後望內外可以戴月當棹一葉躬
賀請益領畧報 國忠猷不腆之將致之新元公萬勿
以套却爲榮病手不及耑勒

荅姚鵬南丈

生癸丑歸山以 國本可虞從史福清將順爲匡救地
急福卽就封相知詫其迂者詢時艱外此又何急着有
建虜作難五年十年間必難支之說果於丁巳報至舍
弟葵忠輩因其偶中詢所以應之知古稱女直兵萬則
不易敵惟效趙充國李牧足食足兵士飽馬騰先爲不

密林漫稿

卷之八

三三

可攻乃可言戰至議經畧葵忠詢勝任者素服信亦惟
熊芝岡張鳳臬二公蓋稔熊之按遼作用于張則南中
相與契交英毅非凡品故也馬上之催楊鎬實殺我飛
將軍而謂不教之民寃矣寃矣一受降夷生卽向葵忠
弟爲遼陽危皆不幸而中但幸賴 光宗三十日大有
爲新政群賢森列足覘 宗社靈長之慶矧奴虜殺降
貪暴惡漸貫盈種種亡形相臣力爲主張大臣寔給兵
餉言臣平持議論長纓繫奴酋於 闕下者不可謂無
人惟老疾碌碌有身難致日切杞憂只求早作厲鬼殺
賊或如結草使奴就縛耳寢食靡寧且奈何哉道體碎

蓋英才廣進無日非春風沂水佳趣詳得之遽使喜躍
倍常何當拜惠報瓊烏有感不勝忤也

與徐明衡吏部

生平於義命二字認真從來耻求今以衰朽將定蓋棺
事竭蹶趨 朝固切快靚 英主明良盛會亦切顯揚
先人一見蒙台臺傾蓋稍遲或可倖及祖父而前孫拱
老示意若合符節嗣謁貴堂翁張老先生叩以 恩誥
事過承唯唯徐待於拱老傳議不異彼時業許以添註
得 旨便及之今四推不與相知有揣者云張老先生
必敬信拱老推屋台臺梓誼加篤或采昔時忤權奸祛
密林漫稿

卷之八

三四

惡璫急福邸出封從吏福清安 國本故濡滯需大京
堂實缺於今乎命堂愧非其人宜讓賢者乃大廷尉左
提右挈滿堂姑暫予以便乞 恩不然揮之南寺補牛
春宇缺更省 請告拜賜仍不淺矣倘廿後用實尚獲
席庇了此子姓百世刻感者蓋於祖父不敢迂守拘義
命偶會蔡中山兄促之唐突亮亮

與宋直夫丈

客冬拜兄翁翰賜知通工惠商學問作用自別常調忠
信篤敬孚蠻貊允非虛語從此馳驟千里入秉銓樞省
破竹勢一體喜躍以世道有賴 朝廷食尊賢之報不

在虛僑士也弟椎魯原非筆札之役兄翁獨忘其醜責以殫述贈翁贈母誼切猶子難于固諉病思羞澁陽月偶有先曾祖衆居建坊事勞費獨任文案塵堆遂濡滯負罪今度暮春方得報命想能亮之其傳贈翁贈母合乎分乎更希明示計典伊邇異已當路愚戇積譽不求倖免得掛議削籍脫然世網無妨賢路爲快一切毀譽得失在自古宇宙聖賢凡愚都有不必輒驚異弟從識字以來業已勘破故長安鮮隻字牛馬任之呼矣恐報至兄翁短氣弟敢及之間賢橋梓俱得佳人此子姓振振兆并賀據案順風不盡依依

密林漫稿

卷之八

三五

又荅宋直夫丈

弟苦代老無兒孤孫幼穉昔以不問家之人今米鹽薪水一一關念衰頹弗支柱門苟活百爾任弛想范文沙兄面時必能悉之僅代致書托敝門生吳民部師每丈未便修問者慮多兄翁一番擾費非簡也張羅之戶天上故人倏從長安遙頌手諭已一字千金何當割俸周之古誼今稀耳目之者共高矧弟躬承藉燃眉濟耶感謝非筆舌能吐詢來口木全抵灣上水竣事易易時正多艱兄翁老成石畫世道所倚非名郡借鎮定推轂司道彈壓歸志難遂亦非臣子求歸日也弟往見 主上

聖明凡必不可已興革合請單請人人請日日請勿爲
扶同套請卽得 旨今奴酋強狡雖彈丸小醜勢在橫
逞難于玩緩言官不言人人當言若 主上無言聳動
兵餉掣肘大事去矣謹如台議卽董子宣公復起不能
贊一詞弟負 主恩首丘已近不能致身當矢石惟求
作厲鬼殺賊耳大倡忠義滅此朝食厚有望于兄翁及
當事諸公真切真切中秋廿四日

與賴玄水兵科

不佞衰庸出山念絕仰席鼎噓寒灰復然不爲公論所
棄足了蓋棺事甘林泉老矣以先人大夫 誥命故塢

密林漫稿

卷之八

二十六

蹙趨 朝原無奢望乃孫拱老舊知忘其醜而過爲推
轂遂儼然稱卿 恩及祖父榮光雖在今日非賴

神宗皇帝昔年不殺之恩不次之擢不及此拜命而南
思實錄若載不佞此段亦彰 聖祖至明至仁大作用
因循職慨時具二疏以 請或可爲官府後來炯戒保
全善類如朱相國尚留名不朽亦有俾世道故不敢避
標榜嫌也憶數月長安苦病寒咳艱奔走應對竟未皇
欸請抒斗仰積懷別來悵念不能不恨道緣之薄矣附
揭塵覽敝寺自年終舉刺外無賚 奏者每差輒兩舍
人馬四匹口糧二分工食十四兩今寺中公費難處不

仗止差一舍火牌中改官與廩給亦不與口糧馬止三
匹裁其工食而小疏仍實書舍人敢以情告想必爲周
旋未知貴科署印老先生爲誰不便另啓附名帖一煩
千百寄聲同鄉諸公面問一一呼致爲望神王不周

寄吳曙谷年兄

自長安分袂歲月如電弟且齒落毛白矣嚮王時厯夢
寐繼見奈一臥病山中甘老泉石門外一切置若隔世
遂澗絕年兄負臯良厚不謂 鼎噓忘其過惡倏令儼
然昌列卿貳真鞠躬盡瘁斃而後已無以酬知遇報

聖明者力疾難前逡巡於陽月旣望始獲升晝供事故

密林漫稿

卷之八

二十七

羈修謝中外多艱枚卜喫緊 隆望大拜旦暮間耳謚
法係重至公至虛詢衆斷獨乃克了此知石畫素定無
借蚓吹矣惟吾鄉吳疎山先生似當謚文敖龍華公之
立 朝可風定未可搖於讒忌之口與匪人同類遲之
落近來模稜套子也士風陵夷真江河莫挽乃熊思城
陳赤石不憚砥柱中流大加從吏如王鏡宇臺長疏隨
破格內轉二兄正幹旋乾坤大機軸羅李二先生從祀
得 旨速行尤萬代瞻仰一舉遼士中式失卷查明合
與卽真而正執事者之律皆年兄職掌無容他諉敢獻
芻蕘少伸一體愛助兼代芹曝不敢以尋常毫芒溷

清嚴矣順風數行神王語澁不竟依耿統倚崇照時長
至後二日

又寄谷年兄

弟庸戇任真自聯轡長安執事武林年丈已稔而收教
愛中故倚道義知契輒獻芻蕘蓋亦夙體虛懷耳承

諭益感休休雅度但議謚一節日與吳繼疎商之大旨
當辨人品邪正不當辨功過顯微如敖龍華者立朝無
私交居鄉無私請難進易退寧執母隨里中所信慕惟
鄧文潔鄒南皋政府所敬服惟王應州沈歸德正氣凜
凜此吳因之負海內望最慎許可而特加美評若敝邑

密林漫稿

卷之八

三八

虛糧苦累小民奏請在戊辰己巳年龍華中癸酉科
尚一貧士至張新建弄權惡其不逢迎適兩院酌處疏
入龍華以非私事未先關白新建遂鼓南昌郡小狂吠
龍華爲通邑棄官恐非賢者不能而可指爲過端乎鹽
利無染繩子最嚴共有耳目而蕭應宮之滯行以其責
驛丞何繼高之不見以其稍後于他門生耳中貴意外
之犯奚關名行竟聽忌口吹毛求疵與權門鷹犬同類
置之弟不知於公道直道如何也吳繼疎兄大爲弗平
龍華品望不在趙定宇下願年兄仍爲主張與謚母留
好事與後人弟非以瓜葛私龍華者亮之亮之遼士數

奇卽真未可如先年徐大望准貢例旣廩則 欽賜之
貢未廩則 欽賜之廩或亦可行而僅示獎勵恐無以
服房考本生無惑乎滋議也恃愛并布其愚唐突皇恐
伏惟台原不靳提命是所惓懇

荅劉斗陽年兄

弟自歸田乞休疏上出處分明杜門山中一切交絕敝
廬足蔽風雨薄貳聊供飢粥孤寡相依幸有曾孫能時
時牽衣呼太公朝夕骨肉相親昔卜子戚衷今漸蕩蕩
始覺庄家自在數年鄉村油價騰湧濁醪微醺輒効山
童歌謠作打油生活度此餘年弟久與世忘世縱不忘

密林漫稿

卷之八

三九

弟馬牛任之呼矣立命學問在妖壽不貳榮辱毀譽又
其細者弟積習曠職尚妨賢路京察首黜得掛議削籍
脫然世網外以快忌者弟寔甘心春暮仍耗杳何也邪
正消長關一時 國運是非公私有萬世定評山中病
夫旣付理亂於弗聞當塞兌閉口惟所命之海內同志
引領老年丈人而主持 聖明知功高勞苦北門鎖鑰
蓋非準不可者將虛督府大司馬待文武全材而後任
之總憲秉銓耳展誦手諭邊事大振不賴首功中外生
靈保全無量陰德便無量當如郭令公子孫壽考食報
昌後夢蘭佳兆必充間繩繩振振及矣忠信篤敬可孚

蠻貊孔子斷不欺我內嚴兵備外先固守寧上無多功
令下無少擾則弟惓惓於老年丈者分俸太過適濟燃
眉高雅雲天感無可喻來使倚馬伺荅率謝神王據案
軫結暮春中浣前日

又荅劉斗陽年兄

弟衰庸無當既拙用世復羞逢時以令任首揆從癸丑
歸臥絕出山念無境外書不便突致問聞避干進之嫌
故年丈無下問弟之踈曠亦跡類自絕矣席噓培辛酉
冬叨起原官似主銓非深知長安之行未決昨秋思城
兄過敝府妙真約會宿談以大義促之謂違 命已踰

密林漫稿

卷之八

三十

年偃蹇非人臣禮且云得改 恩詔及二親方竭蹶趨
朝風霜寒苦嘉平之十二纔獲陞畫幸叨南冏卿之轉
今初二正策馬出春明適遇遽使於塗奉台諭及大疏
辭意似堅但入 朝見正人推轂引領夙駕以四方多
故不啻望歲貴部咨遲或者賞非其人乎定奉 溫旨
敦促似當束裝以待慰 皇上秋防切念世道將治近
見 聖明勵精勤學勤政正臣子得展布日年丈撫邊
至今草木知名奴酋知早至中國已相司馬不敢犯邊
之戒凜凜天生大賢原爲天下國家負 主而急身圖
大人之學所不載弟厚有愔然望也時夏五日涿鹿停

駱率復

荅吳繼疎年兄

弟自癸丑歸山足跡不入城市如與世隔戊午以龍太公因包公祖惓惓詢及欲顧敝廬恐其騶從難支不得已出會之此外自甘落魄惟明農課孫度此餘年卽知愛南翁僅從一僧問則荅耳生平迂拙不壽人亦不令人壽五十六十無聞竟杜門謝客客亦無至者近衰極否極已未冬被回祿重災僅存周身衣履庚申春秋兩番危疴幾無生理延醫苟活而一饑冷調侍燕人復病卒矣旣無合宅可統孤寡業析三孤孫各糊其口長者

密林漫稿

卷之八

三

依祖屋二幼者依母幸次孫纔十五歲席庇倖進邑庠弟今子處自食蕭然如野僧百任之弛故生平最沐知愛加惠如老年兄念念嚮王未能旰夕置懷者竟阻撫瑞迥越疎曠負罪方冒寒頭岑岑臥牀褥間蒙不加計且遠馳翰使解衣衣之飲之食之此誼古希矣僻谷仕籍卽報借閱惟艱南翁之少司寇老年兄之大廷尉寂若無聞及奉教隨有示以報者則南工右堂又借陪推矣得時而駕駸駸銓憲之階度榮發遲之秋高更妥蒲柳已衰姜桂尚辛賢閑雖闕不及匪人弟已忘世世可忘弟以不煩輦上諸君子敲推爲快長安至者傳閣部

最忌孱軀實日削弱步履難前若保全其論定蓋棺萬
勿向人說項增其披劍反相累也况弟已備木已築生
塋倘多延數年見孤寡成立年丈諸大賢樹掀揭之勲
佐 新主中興稱名世四夷安邊閭安枕弟終老太
平無他想矣知已皓首兄弟無幾日思合劍作平原十
日懽敘濶請益思城兄廿八日發牌初一出行初四長
發老年兄遠莫致之弟尚畏寒計必違約于思城兄矣
節前訂晤倘台駕抵省斗陽兄可拉同舟溯洄而上先
期示弟買舟溯游而下會于市汊之桑林寺隨當隨命
而趨也病起手勒率謝不盡感依黯然神王

密林漫稿

卷之八

三十一

與吳繼疎年丈

吾二人以道義莫逆兄弟方期同心 國事少圖報効
乃忠慙無當直道弗容異已者亦目爲朋黨尋隙擠之
故兄入而弟遂出機緣不偶此或閔世運我輩離合未
足深惜智小謀大力小任重弟真其人宜來忘口一腔
熱血無地可洒出不能諧俗苟容歸當以化俗自任慎
勿煩啓事累山公爲快兄望冠一時無地不可開府秦
晉齊楚中州八閩誰非仕國願兄安意以俟命耳王曰
乾狂妄一疏閑 主上宮闈父子兄弟真老成忠愛者
若 留中不下萬勿深求只假此從吏 福王明春就

封便一了百了忠臣望儲君爲舜之友弟彼聰明仁聖
他日必相諒諸兄臨別深慮弟竊謂過也離京半月不
見邸報未知此時光景若何江湖廊廟之憂朝夕切切
故及之以代芻蕘吾鄉李懋明董臺省諸公皆有才品
忠直任事者無不推轂兄爲領袖大都言官止能存公
論不必角勝傍觀自有醒眼以兄之正大持重諸公取
衷意見無妨水火惟在相成耳諸年兄同鄉諸公及在
京相與諸公未獲長班送作套書故未便異同一切省
之見間爲致意 京師風景頓殊調攝爲難衰年喫緊
健脾最忌泄瀉瀉天下國家本之身輕身以周人情似爲
密林漫稿

卷之八

三十三

吾兄病處弟懸念而進此劑也千萬留神宋清宇都水
今之古人弟之密友不暇作字進而親之出此寄聲中
浣日弟弼拜手於德州舟次付順天直指送使

與王憲蔡年丈

山中廢人久無仕籍即抄或道路有時事傳聞從縣
取閱知年丈鎮撫兩淮重地總漕備倭東南半壁可恃
無恐君子得輿社稷蒼生大慶喜躍溢常非兄弟私也
迂疎如昨惟問則荅不敢作境外字混仕紳此王太蒙
公祖所素稔故拜使荅謝寵念後祇能朝夕以神飛左
右耳弟學不得力獨行已志直道事人罔所忌諱律以

聖賢中正作用大隔逕庭或亦無忝鄉黨自好免鄉愿
之誚惡羞知己乎天人交厭往以不問家事俯仰有賴
閑生今代老無兒孤寡莫倚米鹽薪水罔不關念但持
此作進機動忍隨分戚戚蕩蕩雖有出奴入主戚似漸
不勝蕩矣長小孫乙卯首入觀場席庇仍與科舉惜牽
衣時時呼太公會孫客冬殤于疹必弟薄劣波及不敢
怨尤而次孫學文遺腹孫知句讀水旱固頻饑寒堪支
皆兄丈一體休戚所樂聞者迺長公年侄步武取殿撰
自其緒餘夢蘭佳兆公子公姓定蟄蟄繩繩詳示以慰
懸切建酋狂逞遠在十年近在五年弟杞憂嘗及以勸

密林漫稿

卷之八

三四

鄉國早完正供將來兵餉迫逋萬難苟免方不幸而中
如長安別時談及王曰乾事弟寬福清只斬曰乾勿窮
究諸兄動色戒弟竟爾帖然曾記憶否弟抵德州有字
吳繼疎兄稿猶存也大都遇大敵大變必老成遲重虜
狡勾倭計所必出天以海限倭便無倭患沿海一帶嚴
禁販倭海船凡捕魚樵島者緇以保甲出入有期海賊
鹽徒表裏無二巡江巡海官兵防察少疎亦與表裏謀
利副總兵叅遊大將海防官得人喫緊下江巡視專

勅防倭體貌叅遊庭謁僉 題准照邊關例蓋邊重虜

而江重倭耳嗣南臺科貢來稍遷就至弟查 勅復舊

毫不假借江海七年無警其批評在楊州道陳荆山共
事日荆山公力多或可詢道取弟道詳一閱傳笑乎弟
片楮不出戶浪傳有假冒百出矧臭乳小孫隨任外只
就傳里中云敝鄉吳江都初官全椒有假小孫住南都
詐騙之者見問試問是否更乞徧告合屬凡詐冒及弟
代峻法解籍所望相成相保非淺轄者治平已久妖異
登見効忠須品濟急需 材材稍見竒貪詐兼收未有
表端而影斜亦未有計利而忘害薄功名而甘不肖者
主恩未報取數踰分不覺忘其芻蕘以備虛懷之採弟
日病日衰知我罪我者均當忘我也風便撼案欲吐如
密林漫稿

卷之八

三五

塞順時珍重爲世道惓惓時伏月望日

寄朱平涵年兄

憶昔白門辱收道義教愛中逾于骨肉自輿疾歸山心
神非不日馳左右乃甘心淪落與世如隔匪只自絕於
年兄復蒙原之跡外曾剖魚得書解衣推惠厚德久不
報感悚兩念靡息不往來腦膈間亮否亮否時局大非
浮議不經如年兄之恬然處南遠薄權奸至同陶石老
皆以君子不容豈非不容然後見君子乎聞之大爲世
道扼腕要於日月無傷也年兄達觀當無芥蒂弟叨冒
轉寔出外望第大賢高卧而庸流竊據雖闕署稍堪藏

推中慚厚矣偶會令坦唐君托致數行以承乏有入寬
之後臨岐莫申芹曝朱子新刻一部附覽神王語塞惟
引領提命之爲倦倦

荅熊思城年兄

弟有志無學言動多謬念念欲步趨聖賢見義必爲置
毀譽得失利害生歿於度外惟求不玷名教行慊於心
奈何寡過未能悔尤輒多磴磴之人奄奄之息代老無
兒孤寡失依遂決意首丘以全晚節此止修家法末之
難者而弟器局所限也衰病莫支自入山數年杜門株
守藥爐卽郡邑諸侯僅問則荅之不但絕境外交與世
密林漫稿

卷之八

三六

若隔故年丈內轉得之傳聞未知錦遊消息厚德不報
并問之使尚羈老年丈不督過之注念加惠豈猶扣脛
不忘故人乎弟從三四歲時聽先外祖歌詩講學便似
津津老竟無成皇皇于所以朝聞夕歿者一息苟存志
不敢懈展誦佳刻躍然豁然病體不覺霍然亟切侍請
偶先曾祖衆居修理弟執牛耳正在始事衆無經心者
必周料理方可出戶詢遽使云榮發未定當以復月爲
期亦嚮王徐匡翁懇乞提命夙念計作平原十日惟一
宿信宿草草世情恐弗克罄老年丈誘引盛心暢萬物
一體懷也率謝不盡依依容有耑布面徐匡翁頌呼聲

賀熊思城年兄開府全楚

恭惟 龍飛首歲鳳詔新承開府全楚當顯陵發祥重
地此名世應 王者之興爲 社稷蒼生大慶非鄉國
兄弟私慶也亟切樞賀不知弟否極衰極前冬灾被回
祿僅存周身衣履昨春秋兩番危疴幾登鬼錄幸席庇
苟活而一知饑冷調侍燕人復病卒矣無可合居宅已
三柝孤孫各糊其口長者另依祖舍二幼者依母弟且
於族弟合屋孑處自食隨遇而安蕭然甘似野僧百任
之弛轉覺清逸直憂病相尋孱軀削弱怯寒擁爐艱於
密林漫稿

卷之八

三十七

出戶無但風雪殊昔如今也舍親鄒匪石司馬北還盛
傳翁兄同羅柱翁逢人說頃真愛而忘其醜者奈弟薑
桂尚辛不能逢時蒲柳旣朽難於用世倘多延殘息了
孤孫男女婚嫁稍見成立快覩翁兄諸大賢柱國調元
老太平世鄙願便足况弟已獲杯土築生瑩爲首丘計
長小孫業代備木別無妄想盖信根器原薄故天人共
厭兢兢盖棺事非誑語也呵凍手勤代躬偵榮發的期
悵念同心兄弟合劍之難或中道華嚴或近城江東必
覓一蘭若信宿寫懷請益倚道義世講知愛不作套儀
溷清嚴想能原之跡外矣

又與熊思城年兄

群賢彙征高臥山間忻幸得安枕老太平世也倏聞遼
破山海可虞 陵京更大可虞恨衰病莫克致身憂迷
荒惑寢食靡寧大都遼事中制於大臣言臣兵餉不湊
手議論不平心至臨敵易將以熊芝老之智勇忌功而
速之去弟已與一二杞憂士竊慮有今危矣癸丑借差
歸里親知俗念詫弟量移可待謂不惜人言急 福邸
出封似迂詰以時事又奚最急曾舉奴酋狂逞近五年
遠十年中原必苦之不幸驗于丁巳諸杞憂者復詰以
應局弟曾舉趙充國李牧爲說經畧則無踰芝岡及張
密林漫稿

卷之八

三六

鳳臯二公蓋稔芝岡按遼濬築積儲有功躬入酋窠辨
折能挫其雄心鳳臯則南銓久處卓有擔當世道英畧
非漫及者嗟嗟昔苦言路塞今苦言路混舍親陳匡老
彜別相向切遼計弟因思相臣邊臣內外無人酋滅何
日只方內諸巡撫先生弭盜安民足食足兵卽閉關謝
質幅員數倍唐虞三代如周之至於大原亦得中策久
之士飽馬騰將勇兵強先聲奪氣酋虜之逆者順反者
歸是未可知不然疲吾民以事遠鮮輪臺之悔宋之覆
轍能無寒心耶楚號材藪兄翁留神延攬羅而致之幕
下今急着也以削弱南宋有張韓劉岳矧堂堂天朝草

澤豈無英雄喫緊先令人不思亂在驅郡邑之豺狼寧
間閭之鷄犬以好仁感其好義樂於輸助如子弟衛父
兄手足捍頭目治平有期么麼奴酋將同釜魚胡張皇
至此極也風順姑布其愚以備芻采神王主臣

與黃際雲年兄

老年兄弟皓首忽聚最竒更當 英主明良盛際又最
竒之竒者何快如之奈弟用世無具多病迂踈知希和
寡獨年丈忘形骸篤愛提命朝夕過從真道義骨肉不
知縮結所自弟痰咳方賴良方全愈正思作平原十日
懽景象可以談笑承教願此衰年共暢天和循職協心
密林漫稿

卷之八

三九

矢力竭忠少報 主恩萬一而以衰庸南遷矣瑯琊之
區山水佳麗無馬可數有勝可收於弟甚適不覺日健
日加食非五卿一堂先後當避席此仙吏可以長子孫
者惟是 聖明三朝參養老臣三代叨榮寸長未効念
及尸素一目即報愀然弗寧因納價草場之議檢案牘
多弁髦敝寺恐人人視爲傳舍職掌 祖制將不可問
具疏 奏請勢非獲已秋風一動便作歸計觸時浪語
迫於杞憂發端似嫌標榜但 神宗皇祖不殺之恩不
次之擢圖報未由欲與天下共知 皇祖之燭奸保全
至明至仁俾後之未見小疏者將可釋勸駕二字疑也

諸年兄除疏關兵部通董誼翁外無字問面間煩年丈
一一呼名寄聲又大理諸公昔同堂及新至相知亦望
齒及手勒神王依依軫結

與黃際雲僕卿

老兄弟此番長安之聚恍如隔世獨兄翁於弟特加親
密教愛逼真骨肉乃合之艱而離之易把杯分袂不能
不令人黯然魂消也弟姜桂之性老而逾辛旣拙用世
又耻逢時席庇儼然以罔卿出春明叨 恩祖父分願
已溢勉事 聖君是在大賢萬勿以衰庸掛頰昨見練
道長相臣去留一疏佳甚而秋防以前首揆之不當去
密林漫稿

卷之八

四十

與樞輔之不當入亦目前大關係登萊天津二賢撫在
何所疑而欲巡行決不可令輕動搖山海人心也 王
恩未報行行漸遠杞人之憂不能脫然回首燕雲戀君
思友不覺于年翁知已布其惓惓涿鹿停驂手勒神王
諸需嗣布時夏初之五日

荅吳徹如年兄

弟積誓天僂獨子痘亡喪明餘生出山念絕故杜門哀
泣逾限經年以繳劄致仕不能得之敝省兩臺昨秋復
爲雲嶠兄迫脇同行遂携孤孫就道一之日方入長安
人情水火數月尸素織毫靡補而尊人老伯僅二三面

雖厯朝夕請益切念無奈關人固拒惟有私淑耳同志
賴老伯領袖正氣猶勝昨薛直指別時弟諄諄以治統
道統原相維繫必天下有道乃稱治囑其于諸理學名
賢定當加禮面亦唯唯信否不可知盡吾心耳只當此
風波未盡恬時收帆停棹少需清明登彼岸有日也勿
遽主持調停之說兄翁世道慮最深惟弟臆見模稜之
調停不可有幹旋之調停不可無故必公山可往陽貨
可見然後正卯可誅夾谷可會不脫冕可行也兄然之
乎否弟生平有罪無功且以慙直忤 聖明旣荷不殺
之恩又叨不次之擢鞠躬盡瘁斃而後已心口共盟風
密林漫稿 卷之八 四十一

順不靳提命日暮實惓切引領

荅萬含澤年兄

弟代老無兒孤寡相依決意首丘誤從雲嶠兄強出奈
愚慙倔彊不能逢世見 福邸未出日搖國本而忠良
錮言語塞非福清遇巷挽回無機故贄其以將順爲匡
救地此弟報主一腔熱血亦慨水火角持直道難行急
欲脫是非場全晚節不欲潔名耳福清果了所責成竟
去曾有不負知己之慰弟自卧山中敝薨邑諸侯僅聞
則荅杜門却掃寔病寔衰卽親知希接無但年丈境外
交疎也長小孫首入觀場席庇生曾孫已時時牽衣呼

太公次孫學文遺腹六齡亦句讀課孫親農圃外孤陋
無與數杯微醺熟睡晏起蚤眠萬念俱灰惟覲多活數
年了亡兒三子女向平願便可瞑目名位弟慚踰分只
引領大賢知己君子道長出定國是安枕作太平民耳
廖父母賢聲久著上皆敬信撫臺屹然不惑可知迂拙
生平不能謬與有司賢否又近日東林覆轍可鑒弟之
涇涇想廖父母所稔敝羈弟同孤注德怨難任是或明
哲道乎幸善爲辭

荅陳青玉年兄

十八年之別合劍無期悵念可知弟以駑附驥辱兄翁
密林漫稿

卷之八

四三

道義契愛殊族昆季才品雖懸而信心信理不信世法
竊同臭味故顯晦畧似癸丑急福即就封計安國
本寧冒議歸休福清行時曾有不負知己之懃游之童
衡陽兄謂弟社稷之功隱而宏竟累以通叅同弟付
南銓察處弟賴一不相知孫功司持公倖免奈天人交
厭子喪孫孤己未被回祿重灾僅存周身衣履昨秋一
依飽煖安佚老妾復故憂病侵尋已備木築生塋入山
惟恐不深内外交疎卽羈邑諸侯僅問則荅寧直無書
政府也者雖蒙包公祖數篤年誼招致未往會舍親陳
德遠當能道之今無宅可統小孫已三柝之長者依祖

舍二幼依寡母子居獨食蕭然不異野僧轉覺清適惟
昕夕引領兄翁出臨江省得私福星之照或內擢京卿
筠州便道信此契濶耳陳山人堪輿名術敝鄉族信用
者多必無忝推屋道體晬盜德門多慶郎君賢侄英畏
得之作郵傳不覺喜躍尊刻領悉什襲作傳家寶矣小
稿煨燼毫莫報瓊偶感行藏漫歌醉書扇頭附浮白一
咲神王不周

荅余南華年兄

不奉教者十年弟之歸卧且七年矣視年兄道德涵養
文章經濟若在雲霄而不能脂韋突梯坐邀尊顯意氣
密林漫稿

卷之八

四三

稍亦近之自度諸世無術用世非具飲河腹滿志遠力
微觀時事之悠悠懷杞憂之憤憤一入長安耳聞目擊
內則 福邸將搖國本外則奴酋將危遼陽昕夕共同
志者兢兢故急從史福清主塲以將順爲匡救地原置
身毀譽得失外矣福清行時桐封定表里釋諸所責成
一切次第得 旨有庶幾 負知已字樹弟山中入山
惟恐不深卽郡邑諸侯僅問則荅無論境外交絕僻谷
無卽抄仕籍意年兄已師帥名邦何當返樂東山故舍
親姚廣文別時會冗托其訪起居寄聲未附數行寫嚮
王離思非簡也倏從姚僕拜手諭佳刻乃知讀禮後復

在告展玉署編及經之學匡世之猷正已無求修身立
命無非明德新民止至善家法開迷發覆令弟衰病霍
然起舞秋間上郡學會當套赴請兼有陳赤石兄約欲
踐第未知力克從心否家刻有懷錄及人代刻小稿四
種陳覽曰門曾蒙祝石林年兄命弟改號密林繪有二
林圖各爲說并耿叔臺題筆原繪圖二人持一去祝年
侄伯仲皆負才志克家必留傳世或不妨索閱見二人
相與相成非泛泛交者廣文爲妻叔且同講習稱莫逆
青氈冷局見知爲艱年兄隆望道府邑大夫所取衷口
角春風推屋之望不淺促報者倚馬攄案手勒草率惟

密林漫稿

卷之八

四十四

亮

